



08.11.2022

UKA2022/82

Paneeraq Olsen, Naleraq

Nammineq kissaatiginngisaminnik meerartaarsinnaangitsut Qallunaat Nunaanni IVF aamma ICSI-mik ikiorserneqarsinnaangorlugit angalanermullu, najugaqarnermut, misisortinnermut aammalu ikiorserneqarnermut aningaasartuutit peqqinnissaqarfimmiit akilerneqartarnissaannik neqerooruteqartoqartalernissaa pillugu Naalakkersuisut peqquneqarnissaanik Inatsisartunut aalajangiiffigisassatut siunnersuut. Tamatumani siunertaralugu nammineq kissaatiginngisamik meerartaarsinnaangitsut ilaqutariinnut inuiaqatigiinnullu iluqutaasussamik nuannaarutaasussamillu meerartaarsinnaangornissaat.

(Inatsisartunut Ilaasortaq Anna Wangenheim, Demokraatit)

Siunnersuuteqartumut Inatsisartunut ilaasortamut Anna Wangenheim, Demokraatit, siunnersuutaanut Naleqqaminngaaniit qujarusuppugut.

Naleqqaminngaaniillu imatut oqaaseqarfigissavarput.

Meerartaarusukkaluarluni meerartaarnaveerlunili aappariinnut oqimaatsorsiorinarsinnaassasoq kialluunniit meerannguanut asanittup takorloorsinnaavaa. Anaanangorusukkaluarluni ataatanngorusukkuarlunilu iluatsinneq ajuleraangat inuunermut taarsiorfusinnaassaqaq.

Siunnersuuteqartup tunngavilersuutimi eqqaavaa ”WHO (nunarsuaq tamaat peqqinnissaq pillugu suleqatigiiffissuaq) najoqqutaralugu kissaatiginngisamik meerartaarsinnaanginneq nappaatitut isigineqarmat”. Namminerlu kissaatiginngisaminnik meerartarsinnaangitsunut maani Kalalliit Nunaanni peqqinnissaqarfikkut ikiorneqarsinnaangillat. Ikiorneqassagaannilu Qallunaat Nunaanukarluni nammineq akilerlugu ikiorneqariartorsinnaapput tamatumunngalu inuit ataasiaakkat kisimik periarfissagissaarnerusinnaallutik.



Naleraq

Inuiaqatigiit ikittunnguugatta Naleqqaminngaani isumaqarpugut tamanut neqerooruteqarsinnaanisamut periarfissamik ujartuisariaqartugut. Periarfissarsiuussigutta ilanngullugu nalilersortariaqarparput aappariinni aningaasaqarnerat qiviarneqassanersoq tassa isertitaqarnerat qummut killeqassanersoq ilanngullugu nalilersorneqarluni.

Naleqqamiit innersuussutigaarput siunnersuut ataatsimiititaliami eqqartugassanngorlugu ingerlatin-neqassasoq.